

Alkitab Buat Bocah  
Nampilin



Daniel ama  
Lobang  
Goa Singa



Nyeng nulis: Edward Hughes

Nyeng bikin gambar: Jonathan Hay  
Alastair Paterson

Nyeng nyocokin: Mary-Anne S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)


©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.




Darius raja nyeng baru di Babel. Dia pinter banget. Dia milih seratus dua puluh orang hebat di kerejaannya buat ngebantu pemerentahan.

Dan milih tiga dari antaranya jadi penanggungjawab. Daniel salah satu dari tiga orang itu.



Raja Darius kagum banget sama Daniel, dia pikir mau ngejadiin Daniel penguasa dari semua kerajaannya.



Pemimpin nyeng laen pada sirik. Mereka berembug  
buat nyari-nyari kesalahan Daniel supaya mereka  
bisa bikin Daniel punya masalah sama raja.



Masa bodo ama apa nyeng mereka coba, pemimpin kaga bisa nemuin kejelekan Daniel. Daniel terus aja ngerjain nyeng bener di depan raja. Lagian dia juga ati-ati ama pinter, selalu aja ngerjain nyeng paling bener nyeng dia bisa.



Pemimpin nyeng sirik tau kalo cuman ada satu cara nyeng bisa dipake buat ngala-ngalain Daniel. Mereka tau kaga ada satu carapun di dunia ini nyeng bisa ngebrentiin dia supaya nyembah Allah Israel.





Musuh-musuh Daniel ngejalanin rencana mereka. Mereka bikin hukum nyeng baru nyeng bisa diteken raja. Hukum itu bilangnye semua orang cuman boleh sembahyang ama raja Darius. Siapa aja nyeng ngelanggarnya bakal dijeblosin ke dalem lobang goa singa.






Raja Darius teken hukum baru.



Hukum nyeng baru itu juga berlaku buat Daniel. Dia kudu ngerjain apa nyeng mustinya kudu dikerjain. Dia sedeku didepan jendela nyeng lagi ngablag tiga kali seari, dan sembahyang kepada Bapa di sorga.





Para pemimpin  
nyeng sirik itu  
langsung  
ngejengkat ngasih  
tau raja. Raja  
Darius kaga punya  
pilihan laen buat  
nangkep Daniel.  
Hukum itu udah  
dijalanin. Daniel  
bakal mati. Raja  
muter otak, tapi  
kaga nemuin jalan  
buat ngeganti  
hukum itu.



Daniel dijatohin hukuman mati pake cara dijeblosin ke dalem lobang goa singa. Sebelonnya Daniel dilemparin ke singa-singa nyeng lapar, raja Darius bilang sama dia, "Allahmu, nyeng udah kamu sembah, Dia bakal nyelametin kamu!"



Raja kaga bisa tidur malem itu. Pagi-pagi bener besoknya, dia getap banget ke lobang goa singa.







Raja Darius tereak,  
"Daniel, pembantu  
Allah nyeng idup, apa  
Allahmu nyeng kamu  
layanin tiap ari udah  
nyelametin kamu dari  
singa-singa itu?"  
Perkiraannya dia kaga  
ngarep ada jawaban.  
Tapi Daniel ngejawab.



Daniel nyaut,  
"Ya raja,  
Allahku udah  
ngirim malekatNya ama  
nutup bacot singa-singa ini,  
sampe mereka kaga bisa  
nyakitin aku. Lagian  
juga, ya raja, aku  
kaga pernah  
ngelawanmu."



Raja Darius begitu girang! Dia ngeluarin Daniel dari lobang goa singa itu.





Raja tau kalo Allah bakalan nyelametin Daniel lagian musuh Daniel musuh Allah juga. Raja ngasih perintah, semua orang nyeng udah curang supaya neken hukum nyeng kaga bae itu dilemparin ke dalem lobang goa singa. Singa makan mereka semua.



Raja Darius pengen seluruh dunia tau kalo Bapa di sorga ngejaga pembantuNya nyeng setia, Daniel. Raja nulis surat dan bikin perintah semua orang kudu nyembah Allah nyeng idup. Dan raja ngebalikin lagi kehormatan ama kepemimpinan Daniel.



# Daniel ama Lobang Goa Singa

Sebuah cerita dari perkataannya Tuhan, Alkitab

Ditemuin di

Daniel 6

"Palang pintu Firman Engkau ngasih terang."  
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

